

第八冊

(全八冊)

國家圖書館出版社

《春秋》研究文獻輯刊

晁岳佩 宋志英 選編

第八冊

《春秋》研究文獻輯刊

國家圖書館出版社

宋·杜諤撰 清·楊昌霖輯

春秋會義二十六卷

(卷二十五—卷二十六)

清光緒十八年(1892)刻本

第八冊目錄

春秋會義二十六卷(卷二十五—卷二十六) 宋·杜諤撰 清·楊昌霖輯

卷二十五 一

卷二十六 七三

春秋例表三十八卷 清·王代豐撰 清·廖昺文補 清·廖震等編次

卷一 一四五

卷二 一五七

卷三 一七一

卷四		一八三
卷五		一八五
卷六		二〇一
卷七		二二五
卷八		一二九
卷九		一三一
卷十		二四五
卷十一		二六一
卷十二		二六七
卷十三		二七一
卷十四		二八一
卷十五		三〇七
卷十六		三二五

卷十七		三三一
卷十八		三四五
卷十九		三四九
卷二十		三九一
卷二十一		四〇一
卷二十二		四〇五
卷二十三		四一五
卷二十四		四二三
卷二十五		四二九
卷二十六		四三三
卷二十七		四四三
卷二十八		四五七
卷二十九		四六三

卷三十 四六七

卷三十一 四六九

卷三十二 四七三

卷三十三 四七七

卷三十四 四八三

卷三十五 四八五

卷三十六 四八七

卷三十七 四九一

卷三十八 四九三

讀春秋蠡述二卷 李激字撰

卷一 五〇七

卷二 五三三

春秋會義卷二十五

宋鄉貢進士江陽杜諤撰



定公

史記及左傳不言母之姓氏昭公自二十五年在外至三十二年薨于乾侯及此年夏喪至魯人共立公子宋爲君是爲定公

元年春王

折衷曰春秋諸公卽位之歲有書卽位者有不書卽位者然皆備五始以謹其始唯定公卽位第書元年春王而不書正月三家以是互有異同苟曰

昭無正終故定無正始則隱無正終桓曷以書正
始桓莊閔僖亦然奚皆書之稽其旨昭公三十二
年十二月薨于乾侯定公正月不卽位者喪未歸
也至六月癸亥公之喪至是月癸巳公方書卽位
所以不書正月公卽位在六月也斯杜得其旨
旨要曰杜公謂公卽位在六月故不虛書正月也
按前經義雖無事必書首月以備一時今下文稱
三月晉人執宋仲幾若以未卽位前非公所行之
事而不出正首則何以紀三月事乎又云雖卽位
在六月當書元年以備歲旣備此歲何爲不書首

月乎春秋諸公他無此例今據經上有春王中有三月下有戊辰公卽位則正月二月當明是闕文而後人穿鑿之耳

本旨曰嗣主定位於初喪聖人緣孝子不忍有變於中年遂制踰年卽位之禮但適值正月故因爲節焉亦不云他時不可以卽位也昭公薨于乾侯逆喪未至定繼其後勢宜俟之元年無正實由於此

諤曰自隱至昭凡元年春之下必書曰王正月明政必由王出也王正月之下必書公卽位以王之

政正諸侯之卽位也其有非繼正之例者則削其卽位以示義焉然未有不書正月者也定之元年直敘王三月之事而不錄正月者得無旨乎卽位在六月而此元年五始不具者定公之正月政無所繫也時昭公已薨而定公未立耳然必書王者春秋樹王法不可不書王以端本也王者所以正天下天下不可無王故不可以不存焉正者所以繫一國今國之政無所稟故不復出正月之文以見魯國無政而不與季氏之專也

三月晉人執宋仲幾于京師

折衷曰凡書諸侯執諸侯之大夫唯齊晉楚耳謂用霸道非爲己也爲勤王也故皆稱人以執蓋大夫賤不可以當公侯也斯魏舒執之也苟曰累舒則非是矣蓋魏舒以晉侯之命合諸侯于狄泉以城成周宋仲幾不受功曰滕薛邠三國皆吾役也三國有辭故仲幾之執斯與諸侯異何者執諸侯非罪也斯執爲城成周而不受功可謂有罪矣中謂仲幾之罪不蕘城也奚其鄙歟下殊不知義例上得旨

經社曰諸侯之大夫相率而城天子之都義也仲

幾不受其功不義也以義而討不義當也然而在尊者之側請命而後執可也既不請命而歸於王可也諸侯遠於尊所執而自治之猶以爲不可在尊者之側既不請命猶不歸於王而自治之其爲無王甚矣其曰人以爲雖執得其罪不與其專也諤曰古者命令由天子而出也春秋之世本先顛而尾不掉綱紀壞廢益見倒持矣且成周之地而使諸侯之國城之削弱可知也諸侯又不躬親而使大夫斯不正之甚亦以志政出大夫耳今書晉人執宋仲幾是以大夫而執大夫也夫春秋之時

以諸侯而執諸侯不以其罪者則人之今皆大夫
亦人之者沒其人以不與大夫之專也其言于京
師者明其爲城成周而執之矣

夏六月癸亥公之喪至自乾侯戊辰公卽位

新義曰季氏逐昭公臣篡君無王也此書者仲尼
以文王之法治季氏之罪何以不言正月正月政
教之始也言諸侯當奉天子正朔以正國內之不
正也所以昭公在正朔與昭公昭公薨正朔與定
公今昭喪在外定公未立不書正月不與季氏正
朔也昭無正終定無正始此何以言卽位卽位者

改元繼體之事有天下國家之所重今元雖已改體不得不相繼變於中年急於得主此乃絕季氏篡奪之心起春秋變正之文也

諤曰昭公內不能制其臣以見逐在外七載不能返國而薨春秋危之甚矣是以於喪至特志之明其不道而終於乾侯實所以惡之也公卽位爲一國之始而定不得於正月卽之者以季氏專政故也是則魯之一國政無所繫而至此始出卽位之文以明一國政之所繫也公子宋至此而後位定以權出於季氏故春秋詳錄喪至而書卽位之日

者以謹其非正月之正也

秋七月癸巳葬我君昭公

九月大雩

立煬宮

禮諸侯五廟魯以周公之故得立大廟與世室此
乃漢儒之說今立煬宮而春秋書之曰立立者不
宜立也左氏之傳乃自季平子立之則其失尤甚
聖筆其以爲非常制而譏之乎

冬十月隕霜殺菽

折衷曰春秋書災異有繫時者有不繫時者如大

水大火之類是也繫其時如雨雹無冰之類是也
隱九年春大雨震電周春正月夏之十一月微陽
始著未可有而有謂之失時桓十四年春正月無
冰卽夏之十一月冰可有而無僖三十三年十二
月隕霜不殺草李梅實卽夏之八月也而隕霜殺
菽故謂之非常之災亦不可以殺而殺也斯杜穀
得其實中曰記異春秋書災異異書災者顯書
害於物也故謂之災水潦旱歉之類是也書異不
常有而有故謂之異則鷁退隕石之類是也斯隕
霜殺菽與水旱何殊爲災明矣中之短